

ARUWANUN MWIICHENAP

A SUUK ME FIS WON MOEN IS. TRUK STATE F.S.M. NCN SARINFAN

RUWANUNN MAY ENGOROU TIWEPUKU WANIK ME EW

NAMOPUNG NO. 1-160

EW NAMOPUNG

A awora ukukun \$40,000 seni ewe Monienapen ewe Legislature-un Chuuk ren fan asengessin monien uttutun monun ewe Truk Constitutional Convention, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$40,000, ika fite ukukun mei namot ren an epwe tongeni naaf, seni ewe Monienapen ewe Legislature-un Chuuk ren fan asengessin monien uttutun monun ewe Truk Constitutional Convention, fan pungun Tetten 15 me non ewe Annukun Chuuk No. 3-42.


Tetten 2. Ei ukukun moni mei kawor non Tetten 1 epwe einet ika nogeni Election Commissioner, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.

Tetten 3. Ewe Election Commissioner epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni fongon me ukukun nussun mei chiwen wor nop April 1, 1982; pwan

(2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ukukun nussun ewe Fiscal Year, nge och sotosopun repot epwe pwan kawor nefinen 20 ran me murin soponon ewe Fiscal Year ngeni ewe Legislature ika ew committee mei finita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochokunan non October 1, 1981. Ika a kapunguno me ren ewe Kepina, ika pusin winiti annuk, nge esemwo kapunguno.




Sain seni: Tadashi C. Wainit, Speaker
Truk Legislature




Annetata: Datasi Albert
Legislative Clerk/Secretary
Truk Legislature



Pwinin maram:



Kapunguno seni: Erhart Aten, Governor
Truk State Government



Pwinin maram: